

ZORAM HRIATTIRNA

(District Information)

Published by the Mizo District Council.

VOL. XVII. No. 1. AJAL, FORTNIGHTLY AUGUST 30, 1939.

ZORAM HRIATTIRNA

1: 33 p. m.

CHAIRMAN : Chawhmaa kan kalsan ták, Residence Toll kba chawhma khân harsatna tlém a awm a, kan chawh chhûng khân engemaw tia tih theih an inring a, engage a an ták Executive lamin han sawi sela.

PU H. K. BAWICHHUAKA CEM
Pu Chairman, kan bill hi tun tum hi chuan ngaihtuah loh ni law law mai se, hnutchhiah law law mai.ila, introduced tawh ni mai se. Memberten an remtih chuan hnutchhiah theih mai niin ka ring a. Keimahni rem chaw loh thu pawh ni lovin, Sorkar atangin T.A D. lehkha a lo awm reng mai a. He mi thuah hian Executive Committee te pawh hi chawi vek tûr an ni dawn si a, objection te pawh a awm mai thei a, nangmahni Executive Committee te pawhin lo ngaihtuah ngun leh ula," an ti a.

Chuvângin Memberten an rem-

tih chuan tun atân chuan darh rih mai ila, a tha lawm ni ?

CHAIRMAN : Aw le, chutiang a nih chuan Member-ten rem an tih chuan kan ti lo ang a, "Executive Committee-in kan lo enawu leh ang a, Introduced tawh pawh ni se, tun atân chuan kan withdraw e," an ti a. Member-ten remtih lohna pawh in sawi lo va, chuvângin tun tumah pawh kan ti lo vâng a.

Aw le, tunah chuan kan inkhawm chu kan zo ta a, koh leh in nih hma chuan kan chawl tawh rih ang.

Session prorogued at 1 : 45 p. m.

Sd/- B.T. Sanga,
Secretary,
Mizo District Council.

Proceedings of The Mizo District Council
55th Session held at the Council Chamber:
Aijal.

1st Sitting

Members Present : 8.

Members Absent : 13

Chairman : Pu Lalbuai, Chairman of the Council.

CHAIRMAN: Vawiin kan inkhawmah hian member-ten in hriat tûl hmasa tûr chu, business kan ngah êm êm lo va, mahse kan dânah thlali dânah inkhawm tûr tih a ni a. Heta kan inkhawmah hian business ngah lo mah ila, kan ram tàmna te avângin Sorkar hnêna thlentu kan ni dâwn a, chuvângin a pawimawh êm êm a ni.

Tin, kan inkhawmna dar kar hmasa berah zawhna a awm thin a, mahse kan zawhna hi kan Executive lam te an zin an lo

haw chauh a, engmah inbuatsaih na an la nei hman lo va, chuvângin hun dangah kan la ti zâwk mai ang a.

Private resolution pakhat kan nei a, chu chu tunah kan la hmasa zâwk ang a. Resolution neituin han move sela a lawm awm ngawt ang.

PRIVATE RESOLUTION:

COUNCIL JEEPS.

PU LALHMINGTHANGA : Pu
Chairman. vawiinah hian ka re-

solution min pawm sak avângin ka lawm ngawt mai. Ka resolution chu—

“District Council hi a lo puitling (phuisui) tial tial a, Motor Jeep pawh thahnem tâwk tak a nei ve ta a. M.D.C. te hian hna pawimawh an thawh theih nân, official-a Jeep an hman hi phal ni se, District Council-in a ti.”
tih a ni a. He laiah kan sawi tak ang hian kan District Council hian tun hma chuan Jeep 1 a nei a, tunah a lo phuisui tial tial a. Chutianga kan lo phuisui deuh chuan member-ten official duty a an hman phal nise, tih a ni mai a. Kan lo phuisui deuh takah chuan member-te hian Official-in hman theih ni sela, tih awm tak niin ka bria.

CHAIRMAN: A resolution chu hei hi a ni, (a chhiar a). Aw le. hemi thua hian Executive lamin sawi tur in nei em ?

PU H. K. BAWICHHAKA CEM: Pu Chairman, he resolution hi M. D. C te hian hna pawimawh an thawh theih nân, tih hi ka ngai pawimawh hmasa ang a. Jeep hi tun aia tlem a awm tûl pawhin official-a hman chu phal a ni reang a. Amaherawhchu, mimal thilaa chuan phal a ni lo Assembly-ah te leh Parliament-ah te pawh phai a ni lo va, amaherawhchu, Pool Car a awm thin a, chuog chu hire theih a ni a. Tin Jeep kan ngah ta, tih hi kei chuan kan ngah tâwkin ka hre lo zâwk a, tun aia ngah ila ka la duh zâwk a. Kan Officer-te pawhin hna tûlah pawh duh anga hman tur an la nei lo fo va. Department angah chuan field-a thawk chi phei chu PWD te ang te hi officer-te ber, SDO PWD thleugis an pe a ni. Tûn-PPV ah te, khawi khawiah emaw hna thawh tûr lo awm ta se, officer ten an thawh theih loh tur chi eng emaw a lo awmin member te leh executive lam te kal tûr lo ni se, chungah chuan phal a ni a. Member hian he

thu hi a rawn tum niin ka hria a, he resolution hi thil awmsa niin a lang a. Official chuan eng hunah pawh a hman theih a, chuvângin he resolution hi withdraw mai se, thain ka hria.

CHAIRMAN : Kan CEM-in a hrilhfiâh dânin, kan Jeep te hi member te pawhin official chuan hman theih a ni tho va, amaherawhchu membarten, "Hei hi ka pual a ni" tih ngawt chu, Assembly-ah leh Parliament-ah te pawh a awm lo va. A resolution hi kan awm dân pangngai hian a huam tho va. Member hian withdraw mai se, a tih chu, kan member hian a withdraw thei em? (Pu Lalhmingthanga : withdraw thei e). Moved tawh a ni a, House in kan remti em? Member te : Remti e). Aw le, a withdraw-a kan remti a nih chu Official resolution, Lungleia street light Supply thu kan la nei a. A move turin Executive lam kan ko ang a.

**OFFICIAL RESOLUTION :
SUPPLY OF ELECTRIC LIGHTS**

PU H. K. BAWICHHUAKA CEM
Pu Chairman, kan official resolution chu street lights thu a ni a, hei hi a ni :-

"Resolved that street lights be installed by the Assam Electricity Board within Lungleh towns as done in Aijal on condition that charges for the Electricity consumed for street light will be borne by the Mizo District Council," tih a ni a. Hei hi kan pass a tûl a. A ram leh a khawpui neitu kan nih avangin mipuite tan remchang ngaihtuahtu tûr kan ni a, Mipuite hnên atanga chhiah latu kan nih bawh avangin mipui tan remchang (facility and convenience) ngaihtuahtu tûr kan ni bawh a ni.

Lunglei-ah sawn Electricity a

awm lo va, mahse, thil awm ngei tûr "taken for granted" ang a ni a. P.P.V. ah te chuan tih tum a ni a. Lunglei saw kan khawpui pahnhna ni se, hman deuh khan dar 10 thleng chauh an nei a. Aizawl chu nileng zankhuain tih a ni a. Mahse, kawng a harsat avangin Sorkarin Eng siam nana thil mamawhte a thiar luh theih loh avangin dar 18 chhung kan enjoy chu kan chan rih a. Lunglei saw kan District khawpui pahnhna a ni a, Street Lights pawh tba tawka siam ve ngei tur niin kan hria a; street light charge pawh Aizawla kan tih ang bawh hian Councilin kan tum leh ang.

CHAIRMAN : Tunah Lungleiah sawn Electric an nei tawh em? Street lights awm lovin em ni an awm?

PU H. K. BAWICHHUAKA CEM
Nei e, Mahse, a la chau lutuk a, P.P.V.-ah te pawh hemi Diesel set hi Hnahthial, Serehip, Champhai, Kolasib etc. ah an la ti

dawn a. Mahse tunah chuan Lunglei chauh a la ni a. Chumi Street Light charge chu D/C in kan tum dawn a ni.

CHAIRMAN : Member dangten sawi duh in nei em? A resolution chu hei hi a ni (a chhiah a). Aizawl angin Lunglei-ah hian Electricity Board-in siam se la, a senso chu "D/C-in kan tum dawn tihna a ni a. Membarten sawi tur in nei em?

PU DAIBUAIA : Pu Chairman, han hriatfiâh zau-deuh ka duh a, Lunglei khawlai thenga man D/C-in lo tum dawn ta ila, a senso lamah kan seng ngar ngar ang a, a hlawkna larah hlawkna kan nei ve dawn em? ka ti a. Tin, Aizawl pawh hian street lights kan la nei chau hle a, a belh dan ngaihtuah ni se. Lunglei saw Sorkar hian a hlamchhiah deuh em ni? Aizawl atante pawh khan resolution siam a awm kan hre lo va, hetia resolution-a ngaihtuah kher ngai lo hian pek ve tbeih mai an ni lo maw?

PU LALNUNTLUANGA : Pu Chairman, tlem sawi ve ka duh a, Lunglei khua atana electric hmanral chu D/C-in kan tum ang, tih a ni a. Lunglei chauh lo, Kolasib angah te lo awm ta ang sela, 'as done in Aijal' tih kher hi a tul zel dawn em ni ang? Hmun dang dangah te pawh a lo awm thei a, 'Aizawl tih angin' kan ti zel dawn em ni ang, ka ti a.

PU H.K. BAWICHHUAKA C.E.M : Aizawl atan hiau kumtin Rs. 6000/- vel kan lo seng tawh thin a, a pun hret bret atangin kan seiso pawh a pung ve hret hret a. Lungleiah pawh sawn an han tan phat ang a, kan tum tur a ni a, mimal ina la lutte chuan an intum tur a ni a. Street lights man kha kan tum tur ni. Aizawl pawh hi, "D/C-in a tum ang," tih resolution-in a la awm lo va, D/C tum turah kan ngaih avangin kan lo tum ngar ngar ringawt mai a. He resolution hian Lunglei leh Aizawl a kawp thei nghal a. Hmun dangah chuan ti leh dawn ila, 'as done in Aijal' tih a ngai tawh lovang.

Tin, "Lungleiah a en man hi kan tum chuan, engnge kan blawk ve na tur," tih kha—Electricity Board lamah chuan engmah kan hmu lova. Mipuite tana mamawh anih avangin kan tih tur a ni ve reng a. Tin, nakinah Municipal tax

te kan lak hnanh chuan light tax te kan la la ang. Tunah chuan kan la chaw ngawr ngawr mai a. Khua te hi a him loh avangin misual tan chetna a rem a tin, mipui tan zangkhaia a nih avangin tihen hi a tul ve hrim hrim baw a ni.

CHAIRMAN : Member dangin sawi duh in la nei em? In awm loh chuan kan C.E.M khan a sawi chiang hle a. An tih belh hnuah chuan chaw belh tur a ni ang a. Tin, mipui tan pawh a tha baw ang.

Aw le, tunah a hnial lam in awm em? (Member te: Awm lo). Aw le, kan resolution chu kan pass a nih chu. Tunah chuan kan chaw rib ang a, chawhnu dar 1-ah kan lut leh ang a, chutah chuan 'Tunlai Tam Thu' kan sawiho ang.

Recess till 1 p.m.

1 p.m.

CHAIRMAN : Aw le, vawin chawhnu a kan tibtur chu tukina kan sawi tawh angin 'Tunlai Tam Thu' official resolution a awm a, chu chu executive lamten han move sela.

**OFFICIAL RESOLUTION—
UNSPEAKABLE SCARCITY OF
FOOD.**

PU H.K. BAWICHHUAKA C.E.M. Pu Chairman, tunlai thila kan ram mipuite tana tul leh pawimawh ber chung-chang thua kan official resolution, kan zin bo avanga indaih lo chung chung a kan han tih chuk chuk, min lo pawmsak avangin kan lawm hle a. Kan resolution chu saptawngin kan han siam a. "In the context" tih hi "In the present context" tih ni zawk se.

"In the present context of unspeakable scarcity of food in the town and P.P.Vs and beyond, the District Council is of the opinion that the Government should use all available forces to transport essential commodities and also increase food supply adequately,"

A zotawng chuan, hei, "Khawpui leh P.P.V-ah te leh a bakah te pawh, sawi hieh theih loh khawpa kan tam thu ngaih tuahin, Sorkarin a hmanrua zawng zawng hmangin ei leh bar tipung se," tih a ni mai a.

A zinbo leh heng thilte hi a bre chiang lo ber pawh ka ni zaw mah ang a, member-ten a tulzia chu an hrechiang zawk mah nghe nghe ang a.

Silchar kan rawn tlen phatin Aizawl ah bunfai kg 1 Rs. 12/- a ni tih thu a lo thang a, thin a lo thawng hle mai. Aizawl kan lo thlenin kan nu hnenah, "Nangni ei leh bar te in lo mangang em?" ka ti a. "Kan la mangang lo visu va, nei lo tak tak ten min lo dil chuan ka lo pe thin a." a ti a. "Ei tur i neih chlung chuan pe ringawt mai rawh," ka ti ringawt mai a. Kan L.P Teacher te leh kamdingte zingah chaw tak ei tawh lo, mautuai leh anhnah ring an tam tih kan han hria a. A kamding chhuna te pawh chutiang an nih chuan, mitam zawk inhlawh chawp te dinhmun chu ngaih-tuah ngam pawh a ni lo. Chuvangin a hre tam lo berin ka rawn briatte pawh chutiang anih chuan, hre chiang lo mah ila, he resolution hi a tul hle a ni tih a lang.

Hetiang taka kan tam takah chuan sorkar aiawhte pawhin theihtawp an chhuahin ka ring a. Mahse, rem an hre tawk lo deuh a ni ang tih ka ring a. Sorkar laipui pawhin hetieng takin kan tam ang tih hi a ngaih-tuah tawk lo a nih ka ring. Silchar-ah a tam, Badarpur station-ah a tam tih mai mai te chu eng mah a ni lo, kan ritam a tireh pnak lo. Mizoramah buaina a awm a, "Engah-nge buaina an siam teh reng, duh leh nghei ang hmiang," an tih mai chuan sorkar lam tang mi tam tak leh sorkar

belh tuma lo kalte a ti jiu ang tih a rinawm a. Assam sorkar hian chumi lamah chuan thahnem ngaihna a nei thiam teh chiam lo a nih pawhin, central sorkar tal chuan a ngaihdan thiam sela. Helaiab hian Assam sorkar pawh kan dem chuang lo. Mizorama ei leh bar ngaihtuhtuin a ngaihtuah chak zawk theih nan he resolution hi siam a ni mai a ni.

CHAIRMAN; Aw le, a resolution chu hei hi a ni. (a chhiar a) Chumi awmzia chu, "Khawpuiah leh P.P.V. ah te leh hmun dangah te pawh a sawi sawi hleih theih leh khawpa buh a var tak avengin sorkarin rawn tipung rawh se," tih a ni a. Member ten han sawi ula.

PU KAIBUAIA: Pu Chairman, he tunlai Zoram kan buaina hrehawm bikah, sawi hleih theih lohva tamua sawi theibna hun a awm hi a lawmawm ka ti a. Sawi hleih theih lohva kan awm hnu pawha sorkarin min ringhlel a nih chuan a ena entir mai hi thain ka hria a. Anhnah nem ring a, chaw lawilo ringa kan awm hi an awi lo a nih chuan a ena entir mai thain ka hria. Tunah pawh hian kan sawi laia min rawn tanpui zel loh phei chuan kan nghei a ni

mai zel a. Chuvangin kan sorkarte hian boruak lamah te a theih theinnaah min rawn pe sela.

Kum 1967 October atanga Aizawl mipui awm zat chhat a nih chauh mizia te hi, mipui heti zozai lo luh telh tar te chu sawi sa a ni tawh a. Chu chu hisap el lovin, khawpui chhunga chaw tihpun lam a awm ta lo zawk hi kan sorkar ngenchhan hi kan puh lo thei lo a ni. Tin, ration Card te tih belh a nih zel laian supply lam tih pun a la awm lo zel mai te hi a mak a ni. Khawchhiat len kawngtha lo chu ni bawh mahse. kumtin furah khawchhiatin min tibuai thin hi hai haub loh tur ane a, chutichung pawh chuan engatinge mawh phurhute hian a tul ang anga thil an tih lawk loh. Boruak lah a zauva, kan kawngte chu chhe mah se, an duh chuan an ti thei a ni.

Vawiina kan mangang au rawlte hi min awi lo va, tifiam anga min ngai a nih chuan. kan ram aiawha rorol thu khawm ve meuh te hi min ringalel a nih chuan kan sorkar hi ngahchhan tlaka ngaih harsain ka hria. Pangaang ang lekia hnim hnan ringin kan awm a. Chhan theitu sorkar chuan kan khawngaih thlakzia te hi min hmuin min rawn chban tur a ni.

Mipuiin lamkhuang te, anhnah nemte an ring a, keini pafa pawhin chawhkar thum chhung chu buhfai hmel kan hmu tawh lo. Kan E.M. Pu Hrangeia te chhung chaw ei lai ngeite pawh ka zu hmu a, vaimim pulung a a ni an kil ve ni. Chuvangin keini mangang hi engtinge ni ang. Pu Chairman, vawiinte pawh min ban hma pui loh phei chuan ei tur ngaihtuah chawp nen engtinge kan awm ang. Naktuk lamah phei chuan kei chu ka rawn tel thei tawh lo mai thei a ni.

Tin, keini chu sawi loh, kei-ala la rethei lehchhawng, rei tak chaw ei tawh lova, anhnah ringa chaw tawh, vah pawh vak peih tawh lote hi engtinge ni ang. Ka lamkhuang rin zana ei tur nei lo ka sawm ve te kha tunah hian engtin tak awm ang maw ka ti a ni. Kan Mizo mizia hi ka fak a, hapta thum lai chaw lo pawha phun lo va kan awm te hi, kei chu ka chhuang a sin. Vai ramte chu ni se supply pisa

tualah te kluan an mu thiap thiap tawh ang. Ni hnih khat lek tui lianiu an lo a chim pawh in kawog an zawh a, pisa tualah te an mu del dul zel a ni. Chutiang chu phai ramah kan sipai tan laian ka hmu thin. Kan mizo mizia hi ka fak a ni. Lamkhuang te leh thei rah eng engemaw rei tak kan ring a, quota tlem kan han hmu leh a, tukin ah te lawm takin kan awm thei mai a ni. Hetiang a nih zel dawn chuan hna pawh kan thawk thei dawnin ka ring lo. Sorkar hian engatinge eitur kham tawk min han pek a, ngahfak tlak an ni tih hi thiltiha an rawn lantir loh ni? Enchiang ni sele, kan mamawh hi a tamzia an hria ang. Keini member 24 lek pawh heti khawpa harsa kan ni a, kan mipuite chu an dinhmun a harsa zawk em emin, kei tak ngial pawhin ka neih chhun lamkhuang te chu ka la eisem ve a ngai ta. Chuvangin kan C.E.M. in kan tam mangan thu sawi hleih theih loh a tih chu kei pawhin sawi ka tum a ni si.

Vawinah Commissioner pawh Aizawl lo thlenga sawi a ni a, ani chuan kan harsatna min tibkian sak ngei ang. Ani lo kal pawh a, engmah sawtna a awm loh chuan hna pawh kan thawk thei lo a ni mai dawn. Hna thawk thei lovin awm ila tu mawng nge kan blim?

Kan sorkar pui hi hetiang dinhmun kan lo thlen hian mawhpurh loh theih a ni lo va. Kan mangan thu hi a rang thei anga sorkara thlen a t̄ul a, min rawn tanpui thuai theih n̄an. Kei phei chu naktuk lamah chuan rawn inkbawm thei pawhin ka inring tawh lo. Vah chhuaha tanpui ngaite a theih ang anga tanpui a sawt zawkin ka ring a ni.

PU HRANGAIA M.V.C: Pu Chairman, tuna an sawi ang khan tun July thlaa kan harsatna sawiin a siak lo tih kha a dik tak meuh va. Tin, ramhnuaimi hlau leh sipaiin operation an neih avanga in leh lo nei tawh lo. Aizawla lo lutte refugees tam tak kan nei a. Chungte chu tam sa an ni a. Chung chu sorkar pawhin a hriat a rinawm. Kan D.C. nupui pawhin Women Social Worker a rawn din a, thawhlawmte pawh khawn a ni a.

Aizawlah hian thil danglam deuh a lo thlen phawt chuan tam sa kan ni

mai a. Tunah pawh kan la hriat ngai loh, nikir ruah vawihnih a zawna cheng, ruah sur nasa kan tawk ta a.

Kan ram kawngte an ngaihsak lo va, Pu Medhia Chief Minister a nih lai a t̄anga Silchar-Ajjal kawng tihfel tura an lo ngen t̄nin tawh hi tun thlengin a la t̄hat loh avangin, convoy a kal tha lo va. Chuvang chuan kan tam a ni a. Pu Kaibuaia sawi ang khan Mizo hi tuar chhei tak kan ni. Chaw chu kan ei miab hlawm lo. Buar leh Maian etc. chaw ah ring kan tam.

India Independence hnu a thilfih ropui ber pakhat kutdawh tihlem a ni a. Chutiingin kutdawh tihreh nan hna te pawh tihpun a ni a, Amaherawhchu sorka thitum ber kutdawh tihban ni siin, kan ram kutdawh awm ngai lohna ramah, kutdawh lo thei lovin min siam a, mi tam tak kutdawh an lo awm ta. Buainaa tel leh tel lo inthliarna awm lo va, an in leh an neih zawng zawngte hal tawp maite a lo ni ta. Chuvangin kutdawh leh mangang sa kan tam in tih hi sorkarin an hriat thiam ka duh a.

Harsatna tam tak sawi tur a awm
Kan la sawi zel baw ang a. Kumin

hi kum danglam tak a ni a. Mawl taka ka ngaihtuahin atomb thiltih emaw ni dawn chu, te ka ti a. Kan Upate sawi danin July thla hi khawpui rik loh thla a ni a, mahse a ri tlat baw a.

Chuvangin kumte hi a danglam tak avangin a theih lai hunah kan ei tur ngaihtuah lawk thiam a ngai. Kan hma lawkah August thla velah 'Airuah' kan la hmabak baw. Chuvangin thlawhnain a thlak lawk tam tawk loh chuan tun ang baw hian kan tam nasa leh dawn a ni. August leh September thlate hlei hlei hi ruah tui tam hun lai leh lei min duh hun a ni a. September thla thlenga kan tla lawk tur a thlak khawl lawk loh chuan kan la tuar leh ngei dawn. Mizoram awm danah August leh September thla hi tui len thla a ni a, khaw awmdan a inlet a nih si loh chuan ruah tui tam zawk kan la hmabak ngbe nghe a ni. Kawng lah chu siam mek a ni si, a min duhin a la ping reng reng dawn, chuvangin air dropping hi chhonzawm a pawimawh em em a ni. Chuti lo chu ei tur nei lo saa lo lut sang engemawti an awm baw si a, kan la thi t̄ uh ang.

Kan hnunga ei lam harsatna thuah chuan D.C. in Council lama mi leh mi pawimawh deuh deuh te a ko khawm a. Tin, Council lam pawh officerte nen

sawihona kan nei t̄hin a. Chief Minister leh Governor te, Delhi-ah te thlawh-theihnaa thlak turin kan ngen a. Tun thlengin kan mangang aw a la tawp lo tih an hriat a pawimawh em em ang. Bawhsap pawh kei leh officer thenkhat Council Secretary, Executive Secretary, District Council Court President leh Revenue Officerte nen tun lai harsatna tih dan tur sawipui hian kan kawm baw a.

Tin, kan memberte pawh an mangang em em a, chaw lawi an ei lo tih chu ka hria. Tun tum kan session-ah pawh Lunglei lam an lo kal tha thei lo va. A chhan chu Civil Administration an ngaihtah a, kalkawngte a chhiat vang a ni Telephone te, Telegraph te leh kea kalnae reng reng thaa ram a awm lo. Tunah pawh ka fate Shillong-ah pawisa ngheiin an awm a, T.M.O. a thawn theih si loh va. convoy a kal thei baw si lo; tihngaihna reng reng a awm lo. Khaw awmdan leh boruakah danglamna a awm chuan sorkar pawhin a ngaihtuah tur a ni a. India ram pum ngaihtuah chuan Jail zau a ni ringawt mai. Ram dang engtinmah kan be thei lo. Kan D.C. pawhin a ngaihtuh baw a, mahse, a thiltih sorkarin a pawmpui loh chuan theih loh chin a nei ngei dawn a. Chung chu sorkarin an hriat a t̄ul-in ka hria a, an lo tanpui ka duhin ka han sawi lang duh a ni.

PU J. THANGHUAMA : Pu Chairman, Buhfai harsat chungchang thu hi an sawi nual tawh a, han chhonzawm ve ka duh a. Keini member hote pawh kan ram buaina avangin kan fimkhur lutek deuh te pawh a ni mai thei a. Tunah pawh ka thusawiah mi huatthute ka lo sawi palh a nih pawhni House hian min hum ka duh a ni.

Hmanni Mizo Arsi-ahte pawh khan a chhuak tawh a, Bawrsapin Mizoram tan 1967 October thlaa mihring hisapin kan ti a ni, a ti a." an tih kha ka chhang duh a. Zoram Bawrsap meuh chuan tun ang huna Aizawla mipui awm te chu a hre tur niin ka ngai a. Chuvangin mi tam tak heti khawpa mangang riltama min siamtu chu kan mawhphurh lo thei lo va. Mi singkhat dawn lai lo hmaih rik ngawt mai chu a awmin ka hre lo a ni. Chuvangin he thu hi athlawn ngawta kaltir chi niin ka hre lo. Hmun dangah chuan hetiang thil hi vantlangin an proscute ngei ngei ang.

Tin, Theatre Hall saw ka len pahin ka tlawh ve zeuh zeuh thin a, thlahnih quota tur awmin an sawi kha a ni a,

kei chuan thlahnih tla tur awmin ka ring lo. Convoy a lo thlenga pek chhuah chawp a ni chho zel a. July ni 19, 1968-ah convoy a lo thleng lo va, allo thlen loh atangin kan tam nghal mai a ni. Tunah chawhkar thum chauh convoy thlen mumal loh a la ni a, thlahnih quota a awm a nih chuan, mi singkhat vei an hmaihthe nen pawh heti em em kan mangang turab ka ngai lo.

Tunah hian kan mihausate zarah an lo chawh khawl sate an la neh avangin kan la nung thei hram hram zawk a ni. Mi thenkhatten buar-tha leh hnim hnahte ringin, chaw ei tur hma zo lovin an awm a. Chutih lai chuan ti-tia kan hriat danin Officerte Chhotelal-a te hnen atangin a ruk thei ang berin an lei thin niawmin an sawi a, tak tak a nih chuan officerte chu an mangang ve lo deuh pawh a ni ang.

(Awm zel tur)

REGD. NO A-117

TO

Zoram Hriattirna

Published and Edited by Publicity Branch of the Mizo District Council.
Printed at the St. Joseph's Press, Tlangnuam Road Aijal.